



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-01-254/26-I
Brčko, 27.02.2026. godine

Na osnovu članova 78a. i 78b. Zakona o Sudskoj policiji Brčko distrikta BiH („Službeni glasnik Brčko distrikta Bosne i Hercegovine“, br.: 3/21 – prečišćeni tekst i 39/25), članova 29, 31, 32. i 33. Zakona o službenicima i namještenicima u pravosuđu Brčko distrikta BiH („Službeni glasnik Brčko distrikta BiH“, broj: 13/23 - prečišćeni tekst) i člana 11. Pravilnika o zapošljavanju u pravosuđu Brčko distrikta BiH („Službeni glasnik Brčko distrikta BiH“, broj: 1/19) na 277. redovnoj sjednici, održanoj dana 27.02.2026. godine, Pravosudna komisija Brčko distrikta BiH, raspisuje

JAVNI KONKURS
za izbor policijskih službenika iz drugog policijskog organa u Bosni i Hercegovini
radi zapošljavanja
u Sudskoj policiji Brčko distrikta BiH

1. Sudski policajac u Sudskoj policiji Brčko distrikta BiH (na neodređeno vrijeme)..... 7 (sedam) izvršioca

Policijski službenik zaposlen u nekom drugom policijskom organu u BiH treba da ispunjava opšte uslove:

- a) državljanstvo BiH;
- b) SSS - IV stepen za čin sudski policajac;
- c) da je fizički i psihički sposoban za obavljanje poslova službenika Sudske policije;
- d) da nije otpušten s bilo koje pozicije u organima državne uprave, institucije s javnim ovlaštenjima na svim nivoima u Bosni i Hercegovini ili vojne službe u Bosni i Hercegovini kao rezultat disciplinske sankcije;
- e) da protiv njega nije pokrenut krivični postupak ili da nije izrečena pravosnažna kazna zatvora za krivično djelo, osim za krivična djela protiv bezbjednosti saobraćaja, u skladu s krivičnim zakonodavstvom;
- f) da se na tu osobu ne odnosi član IX stav (1) Ustava BiH;
- g) da ne postoje okolnosti koje bi dovele do sukoba interesa.

Pored opštih uslova, policijski službenik zaposlen u nekom drugom policijskom organu u BiH, treba da ispunjava posebne uslove:

- a) da ima status policijskog službenika i odgovarajući čin;
- b) da se protiv njega ne vodi disciplinski postupak za težu povredu službene dužnosti;
- c) da nije u posljednje tri godine disciplinski sankcionisan za težu povredu službene dužnosti;
- d) da nije na suspenziji;

- e) srednja škola unutrašnjih poslova IV stepen ili druga srednja stručna sprema IV stepen sa završenom policijskom akademijom ili nekom drugom policijskom školom ili kursom za policajca;
- f) najmanje 1 (jedna) godina radnog iskustva u policijskim agencijama;
- g) da ima posebnu zdravstvenu sposobnost propisanu zakonom i podzakonskim aktima;
- h) položen vozački ispit „B“ kategorije;
- i) poznavanje rada na računaru.

Plan testiranja utvrđuje komisija za zapošljavanje koju formira Pravosudna komisija Brčko distrikta BiH za svaki oglas prije isteka roka za prijavljivanje kandidata.

Testiranje kandidata sastoji se od pismenog testa stručnog znanja i usmeni intervju. Kandidat koji ne zadovolji na jednom od testova isključuje se iz daljnjeg postupka odabira.

Na pismeno testiranje, kandidati se pozivaju **isključivo putem službene internetske stranice Pravosudne komisije**, najkasnije pet dana prije zakazanog testiranja.

Komisija za zapošljavanje objavljuje sva pitanja putem web stranice Pravosudne komisije Brčko distrikta BiH, od kojih će biti sačinjeni pojedinačni testovi u procesu pismenog testiranja kandidata, najkasnije 24 sata prije testiranja.

Pismeni test stručnog znanja sastoji se od 25 pitanja. Svaki tačan odgovor se boduje sa jednim bodom. Maksimalan broj bodova na testu je 25. Vrijeme trajanja pismenog testa je 60 minuta. Pismeni test stručnog znanja se vrednuje na sljedeći način: do 16 bodova ocjena 1 – nezadovoljava, od 17 do 18 bodova, ocjena 2 – zadovoljava, od 19 do 20 bodova ocjena 3 – dobar, od 21 do 22 bodova ocjena 4 – vrlo dobar, od 23 do 25 bodova ocjena 5 – odličan.

Nakon sprovedenog pismenog testiranja komisija za zapošljavanje sačinjava zapisnik o obavljenom pismenom testiranju koji sadrži rang listu kandidata koji su na pismenom testu ocijenjeni ocjenom 2 – zadovoljava ili većom ocjenom.

Pravo pristupa usmenom testu ima kandidat koji je na pismenom testu ocijenjen ocjenom 2 – zadovoljava ili većom ocjenom.

Na usmeni intervju pozivaju se kandidati koji su uspješno prošli pismeni test, **isključivo putem službene internetske stranice Pravosudne komisije**, najkasnije pet dana prije zakazanog testiranja.

Izuzetno, usmeno intervjuisanje kandidata može se obaviti odmah nakon pismenog testiranja, ukoliko postoje tehničke pretpostavke za to, s tim da se kandidati direktno obavijeste o rezultatima testiranja i terminima intervjua.

Usmeni test – intervju provodi se na način da svaki član komisije za izbor učestvuje u usmenom intervjuu postavljajući po jedno pitanje (ukupno tri pitanja) i ocjenjuje kandidata ocjenom od 1 - nezadovoljava do 5 - odličan uz obrazloženje.

Ocjena usmenog testa predstavlja zbir ocjena koje su dali članovi Komisije za zapošljavanje podijeljen sa brojem članova Komisije. Kandidat je zadovoljio na usmenom testu ako je ocijenjen ocjenom 2 - zadovoljava ili većom ocjenom.

Nakon sprovedenog usmenog intervjua komisija za zapošljavanje sačinjava zapisnik o obavljenom usmenom testu koji sadrži rang listu kandidata koji su na usmenom testu ocijenjeni ocjenom 2 – zadovoljava ili većom ocjenom.

Komisija za zapošljavanje dužna je izabranog kandidata obavijestiti o izboru prvi naredni radni dan nakon provedenog izbora kandidata, telefonom, e-mailom, putem internet stranice Pravosudne komisije ili putem oglasne ploče. Izabrani kandidat dužan je u roku od tri dana, od dana obavještenja o izboru, dostaviti dokaze kojima potvrđuje ispunjavanje opštih i posebnih uslova navedenih u javnom konkursu, odnosno internom oglasu.

U slučaju da se u postupku provjere utvrdi da oni ne odgovaraju podacima u podnesenoj prijavi, kandidat se eliminiše iz daljnjeg toka odabira, a na njegovo mjesto dolazi sljedeći kandidat s rang liste, i obnavlja se procedura potvrde i provjere s istim rokovima. Nakon utvrđivanja ispunjenosti

uslova iz internog oglasa, odnosno javnog konkursa i prijave kandidata Komisija za zapošljavanje će u roku od tri dana donijeti odluku o izboru kandidata.

O rezultatima postupka sprovedenog po internom oglasu, odnosno javnom konkursu, Komisija za zapošljavanje je dužna obavijestiti kandidate putem internet stranice Pravosudne komisije, u roku od pet dana od dana donošenja odluke o izboru.

Obavještenje o rezultatima izbora kandidata ističe se 15 dana na internet stranici Pravosudne komisije.

Kandidat koji nije zadovoljan rezultatima postupka zapošljavanja može uložiti žalbu Pravosudnoj komisiji u roku od 8 dana, računajući od prvog narednog dana od isteka objave na internet stranici Pravosudne komisije.

Napomena: Policijski službenik zapošljava se u Sudskoj policiji u istom činu koji je imao u policijskom organu u Bosni i Hercegovini u kojem je prethodno bio zaposlen. Izuzetno ukoliko se prima u radni odnos za sudskog policajca, zamjenika komandira Sudske policije, odnosno komandira Sudske policije, bez obzira koji čin ima u drugom policijskom organu, najviši čin koji tom policijskom službeniku može biti dodijeljen je stariji narednik Sudske policije, samostalni inspektor Sudske policije, odnosno glavni inspektor Sudske policije.

Napomena: Ukoliko naziv čina policijskog službenika u policijskom organu u Bosni i Hercegovini nije istovjetan nazivu čina policijskog službenika Sudske policije, priznaju se sljedeći ekvivalenti:

- a) čin mlađi policajac u drugom policijskom organu u Bosni i Hercegovini je ekvivalent činu sudski policajac;
- b) čin viši policajac u drugom policijskom organu u BiH je ekvivalent činu stariji sudski policajac;
- c) čin samostalni policajac u drugom policijskom organu u Bosni i Hercegovini je ekvivalent činu narednik Sudske policije;
- d) čin glavni policajac u drugom policijskom organu u Bosni i Hercegovini je ekvivalent činu stariji narednik Sudske policije.

Napomena: Formulari za prijavljivanje na ovaj konkurs mogu se podići u prostorijama Pravosudne komisije Brčko distrikta BiH, Trg pravde broj 10 ili na internet stranici Pravosudne komisije na adresi: (www.pkbd.ba).

Napomena: Opis poslova radnog mjesta za koje je raspisan konkurs, nalazi se u sadržaju javnog konkursa koji je objavljen na internetskoj stranici Pravosudne komisije (www.pkbd.ba).

Napomena: Za tačnost podataka navedenih u prijavi odgovorni su kandidati.

Konkurs će biti objavljen na oglasnim tablama pravosudnih institucija Brčko distrikta BiH i na internet stranici Pravosudne komisije Brčko distrikta BiH (www.pkbd.ba).

Prijave na konkurs podnose se od 05.03.2026. godine do 19.03.2026. godine.

Popunjene prijave mogu se dostaviti lično ili poštom na adresu:

**PRAVOSUDNA KOMISIJA BRČKO DISTRIKTA BIH,
76100 BRČKO, Trg pravde broj 10.**

OPIS POSLOVA RADNOG MJESTA

Pravosudna institucija	Pravosudna komisija Brčko distrikta BiH
-------------------------------	--

Organizaciona jedinica	Sudska policija Brčko Distrikta BiH
Naziv radnog mjesta	Sudski policajac
Opis poslova radnog mjesta:	- vrši prikupljanje informacija, - vrši dovođenje osumnjičenih, optuženih osoba, svjedoka i vještaka, - vrši lišenje slobode osuđenih osoba i osoba kojim je određena mjera pritvora, - vrši sprovođenje osoba lišenih slobode, - vrši zadržavanje osoba lišenih slobode, - izvršava zadatke na provođenju sudskih odluka, - vrši fizičku i tehničku zaštitu objekata i imovine pravosudnih institucija i Sudske policije, - vrši održavanje reda u sudnicama i drugim prostorijama ili prostorima kojim se osigurava uspješnost vođenja odgovarajućeg postupka, - izvršava i druge naloge sudova Distrikta kojim se osigurava uspješno vođenje odgovarajućeg postupka, - obavlja i druge poslove i zadatke koje mu odredi nadređeni službenik Sudske policije.
Platni razred:	VI

PREDSJEDNIK
PRAVOSUDNE KOMISIJE

Safet Pizović